

**Tɔnɔ kɔlɔ  
ZUDI  
na pɔpɔnɔ tun**

**Tɔnɔ kɔlɔ Zudi na pɔpɔnɔ  
tun na bri dɔbam kɔlɔ tun mu  
tuntu**

Zudi dɛɛn pɔpɔnɔ Zezi nɔɔna bam maama nwanɔn mu. O tɔnɔ kɔm bitari sɔm tiini si nyɔ dɔ tɔnɔ kɔlɔ Pɔyɛɛri na pɔpɔnɔ o ki bile tun bitari sɔm. Twaanɔ tuntu tile maama cɔ balɔ na bri vwan zaasɔm yi ba kwɛri ba tɔgɔ wo-digiru kikiɛ yalɔ ba fra na zɔɔri tun mu.

Zudi bri vwan zaasɔm tiinɔ bam na tiini ba ki wo-balwaarɔ te tun, yi o bri nɔ Wɛ wɔ cɔgɔ-ba.

O ma daari o kwe Wɛ nɔɔna bam si ba taa ki ba wɔ-dɔdɔa dɔ Zezi ba zɔgɔ kɛɲkɛɲ Wɛ cwɛɲɛ kam wɔnɔ dɔ Dɔ Joro kɔm dam, si ba taa soe daanɔ, si Zezi Krisi pa-ba Wɛ nwan-dɔɲa kalɔ na ba ti tun.

<sup>1</sup> Amɔ Zudi wɔlɔ na yi Zezi Krisi tuntɔɲɔnɔ yi a yi Zaki nyaanɔ tun mu pɔpɔnɔ tɔnɔ kɔntɔ, si a pa abam balɔ Wɛ na bɛɲi si á taá yi Dɔ nɔɔna tun. Abam mu yi balɔ dɔ Ko Wɛ na soe yi Zezi Krisi nii á banɔ nɔ tun.

<sup>2</sup> Wɛ wɔ duri abam nwanɔn yi Dɔ pa abam yazurɛ dɔ sono kɔ ja gaalɔ.

*Balɔ na pipiri Wɛ cɔga kam tin na ki te tin  
(2 Pɔyɛɛri 2:1-17)*

<sup>3</sup> Amu badon-sonnu-ba, amu ya manji a tiini a lagɪ si a pɔpɔni tɔnɔ mu a pa abam a ma nɔɔni vrim dilɔ dɪbam maama na ne We tee ni tin woŋo na yi te tin. Amu laan nan ne ni ku yi fifiɔn mu si a pɔpɔni tɔnɔ a ma pa abam baari, si á kwaanɪ á zigi kəŋkəŋ We ciga kam nɔwaanɪ. Ku yi ciga kam kontu mu We manji DI ki DI nɔɔna bam jɪŋa ni, yi ka bá fɔgi ka ləni.

<sup>4</sup> Bɛnɔwaanɪ nɔn-balwaarɔ mu nɔgi ti zu ti gwaanɪ abam kɔgɔ kum wɔni. Ba maa yəni ba pipiri We ciga kam, si ku pa ba na cwəŋə ba taa tɔgi wo-digiru kikiə yalɔ ba fra na zɔuri tin, yi ba ta bɔŋi ni We wú duri ba nɔwanɔ DI na yi nɔwanɔ tu tin nɔwaanɪ. Ba maa vɪn Zezi Kriɔi wɔlɔ yɪranɪ na yi dɪbam Pɛ di dí Yuutu tin. Faŋa faŋa tin We tɔnɔ kum manji ku brɪ ni We wú di nɔɔna bantu dwi sarɪya.

<sup>5</sup> Amu nan lagɪ a guli abam wəənu tɪlɔ á na manji á ye ti ni ni lanyɪranɪ tin mu. Á ye ni dí Yuutu Baŋa-We deen vri DI nɔɔna Yisɪrayelɪ tiinə bam DI pa ba nunji Eziɔi tɪlɔ kum wɔni, yi DI laan daari DI pa balɔ na wɔ ki ba wɔ-dɪdɔa di DI tin ti.

<sup>6</sup> Á manji á ye We na ki te di maɛsɪ sɪlɔ na lagɪ si si dam taa dwe We ya na pɛ-sɪ te tin. Si ma yagi jəgə kam We na pɛ-sɪ tin. We ma vɔ-sɪ di capɔnnɔ DI di je sɪlɔ na yi lim yɪranɪ tin wɔni DI yagi da, si si taa wɔra taan, si DI sarɪya de kamunu kum na yiə, si DI laan pa si na cam.

<sup>7</sup> Nan guli-na nɔɔna balɔ deen na zɔuri Sodɔm di Gomɔɔri ni tin di tɪni dilɔ na batwari da tin woŋo. Bantu di deen tɔgi boorim wo-digiru kikiə mu, yi ku dai di nabiinə yɪranɪ má mu ba

kɪa. Wε ma pa ba na cam dɪ mini dɪlɒ na ba di dɪ dwe tɪn, sɪ kɒ taa yɪ maana kɒ brɪ nɔɔnɒ maama.

<sup>8</sup> Vwan zaasɪm tiinə bam kuntɒ na gwaanɪ abam wɒnɪ tɪn, ba dɪ tɔgɪ kikiə yantɒ doŋ mɒ. Ba maa dwe dɪndwɪa yalɒ na paɪ ba kɪ lwarɪm ba cɔgɪ ba yɪra tɪn. Ba maa ba lagɪ sɪ ba sε wɒlɒ na jɪgɪ nɪ ba baŋa nɪ tɪn, yɪ ba twɪ dɪdεera balɒ na wɒ wεyuu tɪlampolo nɪ tɪn.

<sup>9</sup> Wε malesɪ dɪdεerɒ Misεɛlɪ tɪtɪ nan wɒ sε o kɪ kuntɒ. O dεen na magɪ kantɔgɔ dɪ sutaaɪn Moyisi yɪra yam kəm ŋwaanɪ tɪn, o wɒ sε o twɪ-dɪ o ŋɔɔnɪ dɪ woŋo. O nan na tagɪ kulɒ tɪn mɒ yɪ sɪ: «Wε wɒ pa n na cam.»

<sup>10</sup> Kɒ daari vwan zaasɪm tiinə bam nan ŋɔɔnɪ ba twɪ woŋo kulɒ maama ba na yəri kɒ kuri tɪn mɒ. Ba na ye wəənu tɪlɒ maama tɪn, ba yɪ nɪ ga-vara na ba jɪgɪ wɒbɒŋa yɪ ba kɪ yɔɔ yɔɔ te tɪn mɒ. Ba nan wɒ da tɪntɒ kwaga mɒ ba na cɔgɪm.

<sup>11</sup> Wε nan wɒ pa ba na lεerɒ, sɪ ba tɪtɒŋa ba tɔgɪ cwəŋə nɪ Kayin tɪtɒŋa dεen na ba tɔgɪ cwəŋə te tɪn mɒ. Ba yɪ ma su səbu kulɒ ba na wɒ na ba kəm-balwaarɒ tum baŋa nɪ tɪn, nɪ Balam dεen na kɪ te tɪn. Ba ma vɪn Wε nɪ yɪ ba cɔgɪ, nɪ Kore dɪ dεen na vɪn Wε nɪ yɪ o cɔgɪ te tɪn.

<sup>12</sup> Abam na yəni á la daanɪ sɪ á di sono wɒdiu kum tɪn, nɔɔna bam kuntɒ nyɪ dɪ kandwa na wɒ soonə wɒnɪ te tɪn mɒ abam dim dɪm maŋa nɪ. Ba nan ba kwarɪ cavɪra dɪ ba na tiini ba di te tɪn. Ba nyɪ dɪ dɒa na tɪnɪ yɪ ka da viu ka saagɪ te tɪn mɒ. Ba ma ta nyɪ dɪ tweeru tɪlɒ na ba ləri biə tɪn mɒ, kɒ ya zɪ maŋɪ kɒ yɪ tɪ lərɪm maŋa dɪ. Ba nyɪ dɪ tweeru tɪlɒ ba na gɔgɪ dɪ tɪ kurə maama

tın mu. Ba ba jıgı ɲwıa dı finftın dı.

<sup>13</sup> Ba nyı dı na-fara na pɔgılı te tın mu, yı ba cavıra kikiə yam nyı dı na na pɔgıla yı ba zanı punə te tın. Ba ba jıgı jəŋə je, nı calıcwı na karı sı beeri te tın. Wε nan lı jəgə kalı na tiini ka yı lim tın mu, sı Dı kı-ba da sı kú taa ve maŋa kalı na ba ti tın.

<sup>14</sup> Enəkı wıls na kı Adam naarı tım kuni bırdı tu tın deen maŋı o ta nɔɔna bam kuntu taanı o wı: «Dı Yuutu Baŋa-Wε wó ba dı Dı malesı kuni murrı murrı, sı Dı di nabiinə maama sarıya.

<sup>15</sup> Wε laan wó pa balı maama na ba tɔgı-Dı tın na cam dı ba kəm-balwaarı tıls maama ba na kı ba vın Wε ni dım tın, dı ta-balwaarı tıls maama lwarım kərə bam kuntu na ɲɔɔnı ba gooni Wε tın.»

<sup>16</sup> Nɔɔna bam kuntu yəni ba pıbnı mu, yı ba ba fɔgı ba jıgı wɔpolo dı ba na yı te tın. Ba maa tɔgı wo-yɔɔrı tıls maama ba fra na zıbrı tın. Ba maa ɲɔɔnı kamunni ba pa ba tıtı, yı ba sıŋı ni dı nɔɔna sı ba na nyɔɔrı ba baŋa nı.

*Wε nɔɔna na maŋı sı ba yırı ba tıtı te tın*

<sup>17</sup> Amı badon-sonnu-ba, abam nan maŋı sı á guli dı Yuutu Zezi Krisi tıntıŋna bam deen na maŋı ba ta kulı dı abam tın mu.

<sup>18</sup> Ba deen wı: «Lıgı baŋa kweelim da yam na yiə, nɔɔna badonnə wó ta wıra ba na yáalı Wε cıga kam yı ba vın Dı ni, yı ba daarı ba tɔgı wo-yɔɔrı tıls ba tıtı fra na zıbrı tın.»

<sup>19</sup> Nɔɔna bam kuntu dwı mu yəni ba paı nɔɔna pɔɔrı daanı. Ba wıbnıŋa tɔgı lıgı baŋa wo-yɔɔrı mu, yı Wε Joro kım təri ba bıcara nı.

<sup>20</sup> A badon-sonnu-ba, ku nan na yi abam, á kwaani á taá weli daani si á bi lanyirani di We ciga kam á na ki á wo-didua di ka tin. A taá waru We di DI Joro kum dam.

<sup>21</sup> A taá ηwi di We sono kum DI na pe abam tin, si á taá cegi dí Yuutu Zezi Kisi na wú ba o pa á na We ηwi-duja kalu na ba ti tin, o na jigi abam ηwana tin ηwaani.

<sup>22</sup> A taá duri balu na jigi bubwea tin ηwana, si á taá weli-ba.

<sup>23</sup> Badaara wura á na manji si á vri-ba mini dilu na lagi di cogi-ba tin wuni mu. Ku daaru balu wo-yooru kikiə na pe ba jigi digiru tin, si á taá jigi ba ηwana, á nan taá yiri á titi di ba wo-digiru tin, si á daaru á taá culi kulu maama na yi lwarum nyum tin.

<sup>24</sup> Zuli-na We dilu na jigi dam si DI taa cu abam si á yi tu tusim wuni tin. DI laan wú pa abam ba á zigi DI yigə ni yi tusim tərə, si á na DI paari-zulə yam di wopolo.

<sup>25</sup> Dintu yirani mu yi We, DI donj daa tərə. DI de dí Yuutu Zezi Kisi ηwaani mu DI vri dibam lwarum wuni. Dintu mu manji di zulə di yiri kamunu di paari di dam, ku na zigi pulim ni ku ba ku yi zim, si ku taa ve manja kalu na ba ti tin. Amina.

## **Wε Tɔno dɪ kasum**

### **Kasem (Kassem): Wε Tɔno dɪ kasum New Testament**

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 28 Dec 2024 from source files dated 29 Jan 2022

993cfae5-b100-5981-87e7-5a648d773cb9